

國家圖書館藏

中華歷史人物別傳集

綫裝書局

揚州唐襄文公崇祀錄

緣起

十四世孫

敝族七世祖襄文公以淮揚巡撫禦倭江北沒於王事揚州人士念其功德爲建設專祠於寶塔灣福緣菴側後圯毀康熙五十五年江都令李蘇捐俸重修之乾隆年間基址爲福緣菴僧人侵佔經同族梅菴君出而清理得舊觀去年春來供職緝私詢於衆將謁祠咸曰廢已久矣往於瓦礫中求之不可得蓋自梅菴重新至今又百餘年改之縣長陳公南軒曰是吾責也卽飭僧教育會查復福緣菴旁固多空地而年湮代遠不能確定祠址所在於是會議公之祠址雖不能釐然其與福緣隣則班班可考也公之在日生我揚人百萬衆是亦我揚人之佛也豈可任其湮沒今焦山寺有楊忠愍公祠平山堂有歐陽文忠公祠前代大賢與西方能仁並祀以供地方人士之瞻仰者有由來矣遂咨之福緣菴住持期明朗歡喜贊歎得未曾有卽潔庭宇於大殿之後偏一室四楹而南開軒雙柏鎖門蓋別爲院落者也於其中設主以祀公額曰唐公

祠復於縣長陳公曰可夫地方人士爲公創建專祠而爲公之子孫者不能常往經理至於毀圯不可蹤跡是爲公子孫者之大罪也今復由縣長陳公發之地方人士贊揚之使公之俎豆廢而復續爲公之子孫者宜如何愧且感耶主其議者僧教育會長正廉庵廟登記委員顏潤士紳單晉蘇李曾麟劉豫璋楊繩武羅時觀萬壽寺退院僧叔三重寧寺退院僧雨山天寧寺住持僧讓之旌忠寺住持僧法權也十二世孫唐肯謹識

江都縣續志

唐襄文公揚州祠堂記

乾隆乙卯重修揚州唐襄文公祠記

明史列傳

郡志傳

荆川唐公傳

荆川逸事

江都縣續志

唐公祠在南門外官河南岸祀明淮揚巡撫唐順之時倭內犯又值歲飢順之條上海防善後九事請餘鹽截運米糴以賑存活數百萬衆挾疾歷海上核戎旅攷荒政軼掌盡瘁卒於泰州之姜堰鎮赴聞予賜祭葬民思其功建祠福緣菴側

唐襄文公揚州祠堂記

揚州府城外巽隅二里有祠祀明鳳陽巡撫都御史毘陵唐襄文公蓋公建中丞節制倭東南卒于通州之舟次民悼喪公若慈母祀公邦江百數十年于茲矣明嘉靖中海內承平日久魁人鉅公薦紳秉笏于朝堂從容坐論以文學氣節相矜尙至若兵機戎略相戒以爲職官武夫之事而非儒者所宜言會倭寇擾于東南先後幾二十年公時在廢籍朝廷亟才起公任樞曹擢京卿累擢事公于是國爾忘家鞠躬盡瘁日夜與賊相角于瀕海之區倭患漸平而公亦病且殆矣當是時督撫大吏朱統張經輩以南人任南事懼不測重禍惟公與李襄敏遂胡襄愍宗憲以辦倭自任克有成功襄愍復在

浙公與襄敏復在南畿而公實代襄敏爲鳳撫南畿倭患之平公與襄敏力也抑嘗論之襄愍之功似鉅然猷猷徐海降江直率以計誘之非力角也襄敏之功似多然前後二十餘戰斬獲三千八百率遺將當之非視敵也惟公身在行間突陳摩挲大洋者千里襄海舟者累月不遺矢石不謬神機三沙之戰姚家灣之戰廟灣之戰功與兩公齊而忠義慷慨過之用未竟而身先沒大也公嘗論禦倭上策當截之海外縱使登陸則內地咸受禍矣故公每邀寇于波濤而脫民于烽火軍使此身在鋒鏑死亡之地而不忍使吾邦爲戎馬蹂躪之場民之沿海者既莫不賴公以得生而其居服者亦莫不恃公以無恐當日之耆老壽終幼孤遂長者皆公恩也異時之士食舊德民服先時者亦公恩也公生則頌禱之公歿則尸祝之建祠刻碑俎豆百世夫豈一郡一邑之心而已哉以其生于常而沒于通而討賊之師于揚尤數祠之于揚乃衆心所同然而公靈所式憑也自初祀迄今日久漸圯江都邑侯李君蘇政成民和公暇討古蹟賢哲之遺徽推父老之遐慕新厥廟貌頓逾舊觀江南北士大夫相率馳書請予願有記也予按

祭法以勞定國。以死勤事。法皆得祀。公祀兩應經義。宜垂永久。禦倭事遠。稍擬大凡。以晚當世。至公平生制藝。與王錢齊驅古文。為歐蘇後勁。出永嘉之門。不與附麗。文章氣節。一時無出公右者。俱具公本傳。茲不贅述。云。喪後學王揆撰文。長洲何焯謹書立石。

嘉慶戊午。從弟玉衡歸自邗江。言祠臨福緣。舊僧人侵祠基築室。族父悔庵翁。偕郡邑耆紳。言于當事。釐正之。翁獨捐金數百。重加修葺。葉植秋賦訖。過揚。謁祠。詣翁報謝。翁命繪公像。懸祠歲時瞻仰。視常族經理大儒祠者。為加虔翁之先。徘徊自高。耶與吾治中公同服。三百年來。往來不絕。翁祖中丞公。又與余曾大父尚書公同官京師。敦族誼甚厚。今余家中。落江畔。蓋祠仍賴翁力。不為僧寮。為子孫者。宜如何志感乎。葉植請紀其事。翁云。分所當為。烏用文焉。因書于此。庶使後人銘翁高誼。弗替也。翁名侍陸。前河南開歸觀察使。九世孫秉植謹識。
乾隆乙卯。重修揚州唐襄文公祠記。

事至愈久而不忘。必其英靈足以震懾於非禩者也。歲月既遠。屢必有歷興而必適速乎。其會此中。有天有人。追前事可為後起法也。前巡撫鳳陽會都御史武進唐襄文公行誼著於史牒。文章傳於學者。指紳皆能言之。惟其經濟偉略。見於割平海寇。而又盡瘁以殲其身。當日襟江帶海。諸城億萬生靈。皆公振甲冑風霆戰搏於洪濤淵之中。捍衛而得全者也。揚州城南有公祠宇。雖不知所創始。意必彼時身被澤者。相與構造奉春秋祠也。積久習而相忘。聖朝威靈不振。海不揚波。居人不復知前代忠苦。公祠亦頽廢無聞矣。康熙五十六年。公六世孫故總督直隸兵部尚書諱執玉公。於未開府時。道出揚州。創率鄉人。修葺一新。故大學士華亭王公揆。碑記其事。論公功烈甚偉。以晚邦人。長洲何學士焯。書丹於石。文旨宏深。書法適美。學者爭傳誦之。蓋一時佳話也。去今八十餘年。祠又傾頽。碑亦埋沒。無知矣。乾隆六十年。前亮沂曹兵備道江都唐君侍陸。適歸故鄉。展謁公祠。慨然在念。君先世故由武進遷揚。明季兵亂。失其譜牒。而祖行嘗官京朝者。與尚書公追敘宗支。實為兄弟。則君於襄文公。實為八世族孫。因謂公功

德於鄉。雖在異姓。猶當崇奉。況於本族名賢。流風未遠。其敢他委。爰力鳩工。煥然鼎新。並於瓦礫泥塗中。披剔華亭公撰記。何氏所書碑石。猶完好無剗。仍卓立之。以示後人。於是邦人奮起。謂不特興廢盛舉。亦藝林快事也。學誠適遊邗上。君屬筆其端。委學誠竊惟襄文公文。文章氣節。事功。前人言之備矣。其廟食茲土。華亭公推論已詳。惟是盛衰興替。固視前人靈爽之遷。而興於廢者。必由肖德之賢。與嗣聲之裔。則古亦希覩矣。尚書公節制輔輔。為時名臣。兵備君歷任監司。以廉幹著。先後更修廟貌。皆出襄文公後。葉其人。則皆不愧公之家法。視斯盛者。不特欽公功德。抑且羨公家風。世範久而益老。後此數十年。或千百年。倘有踵事增華。皆出唐氏後賢。當益歎天之報公者。為獨厚也。因為迎送神詞。使歌以侑享。其詞曰。

東南海兮際天。蛟龍窟宅兮狂冠。公逆搏兮洪濤。斬鯨鯢兮腥風血刀。殲厥身兮軍務勞。帝慰忠良兮遣巫陽而下招。公之神兮上下。旌旆揚兮灑灑。駕雙虬兮騰騰。赫容光兮渥精。陟降庭兮歆止。鏗劍佩兮魚魚。兮雅揚之水兮安流。海舶銜寶兮珠球。時歲

四

豐兮黍稷競時。父老酣嬉兮飽而遊。溯功德兮公邵。修祀事兮春秋。公醉飽兮載起。雲英英兮升自階。肥同顧盼兮色笑。嘉穀芳兮酒旨。惠揚人樂康。垂葉兮奠祀。會稽章學誠撰。

明史列傳

唐順之字應德。武進人。祖貴。戶科給事中。父瑤。永州知府。順之生有異稟。稍長。治貫羣籍。年二十三。舉嘉靖八年會試第一。改庶吉士。座主張璁疾翰林。出諸庶吉士。為他曹。獨欲留順之。固辭。乃調兵部主事。引疾歸。久之。除吏部十二。年。秋。召改朝官。為翰林。乃改順之。編修。校兩朝實錄。事將竣。復以疾告。璁持其疏不下。有言順之欲遠璁者。璁怒。擬旨以吏部主事罷歸。永永不復敘。至十八年。選宮僚。乃起故官。兼春坊右司諫。與羅洪先趙時春請朝太子。復創籍歸。卜築陽羨山中。讀書十餘年。中外論薦。並報。倭倭。江南北。趙文華出視師。疏薦之。起南京兵部主事。父憂未終。不果出。免喪。召為職方員外郎。進郎中。出覈蘄鎮兵籍。還奏缺伍三萬有奇。見兵亦不任職。因條上便宜九事。總督

籍勳主事調考功居家時素知有司某某賢後取至京以不通關節留滯不時用公即密曰其賢擢科與道不使其人知之羅某相公改各屬官爲翰林部中首舉公爲編修校對實錄于時王葦岩陳后岡高蘇門皆以詩文名當世一見公作心服而公未敢以爲然也至其成行雖苦終少自得之趣公尤自於時則王龍溪以陽明先生高弟寓京師公一見之盡叩陽明之說始得聖賢中庸之道矣校對完例當陞賞公不欲受又以羅峯愛已將還其嫌遂告歸張緣是怒以吏部原職致仕居家著書而於文章之潤筆弟子之贊儀未嘗妄取林下三十年不役官府一人不受坊價一緡官府積公所卻至三千金會皇太子立妙選宮僚上面諭宰臣起公爲春坊司諫竟以請朝東宮落職歸自是御一布袍管居宜興山中與諸生講學官於其地者欲一見之無從也四方之行過是邑者必先禮于其廬以得見爲榮刻處殆無虛日獨雲川舒侍郎之遺章有曰學以聖賢爲法道以經濟自期立朝著變謬正直之風居鄉有廉靖無求之節乾坤不可無此正氣朝廷不可無此正人可謂得其真矣公喜靜坐樂與方外之士遊曰方

七

外之學雖與吾儒不同而其苦行堅守洗淨心緣知自求之身者固賢於今儒也居恆於書無所不讀無不精究其妙而於歷算尤精文章可以追班馬詩可以追李杜然嘗曰此不過應酬之作更看山中靜坐十年後文字更何如耳與人無間於貴賤貧富惟投其機則言笑無厭有所拂則拂然見於顏面遇之途亦爲之趨避曰匿怨而友吾弗爲也其與人言聲竭底蘊若無所不盡事關機要則深沈隱默際不可窺於瑣屑之事若不甚通曉至於籌畫世故則辨悉毫芒性恬淡不樂仕進而見民之瘠瘵困頓又若病深切身思救援之如不及貌不踰中人而視天下勢之所至若萬鈞之壓卵處之晏然舉天下之所不敢爲不能爲者獨毅然當之嘗自謂當今少一寧武子之愚蓋自況也甲寅倭奴起釁流血東南公目擊其變至不能寢食適居有懷公喪而趙文華者以命視師海上來訪公與陳機略且言非專任梅林胡公不能平此寇趙歸朝首薦公以南部車駕主事起之尋陞北部職方員外堅臥不起及巡按提學二侍御奉旨促行不得已赴京陞本司郎中陞見後即奉命查勘邊務繼而視師浙直公奮然曰一月

賊不平請擊將官三月賊不平請擊郎中十二月公將至浙賊聞而遁去公計平賊上策當禦之海外而海道不可不熟乃自江陰與嘉興兩次下海泛大洋至蛟門而還未幾春汛急自登海船督諸將泊崇明沙沈賊船十三隻斬首百二十級餘賊走三沙陞太僕少卿胡公奏留同事又陞右通政於時江北巡撫李遂告急胡總制檄總兵盧鍾往援公以江北陵寢重地乃以三沙賊鐵鑊堅守身往江北與李首尾擊賊敗之於姚家灣又敗之於廟灣度其勢無能復自江北往攻三沙居海中二月竟以鹽鹵之故腹疾增劇方回太倉調遣狼兵而賊乘風雨夜登江北岸突公每以此自愧其斬賊功皆遜而不居而胡公竟上之三有白金文綺之賜公每與胡公論國家事未嘗不泣下沾襟誓以身許國曰胡公計事先我一着至忠義一念則甚符合未幾陞食都撫淮陽因積勞病甚不能行然以淮陽重地朝方倚任十一月勉強赴官值歲歲款請於朝得餘鹽二萬兩以賑又自捐俸金令有司以次捐俸易米散各鎮爲粥以食饑民公素仁心不忍見民之飢死又以淮陽所轄爲天下要道即有變於內倭寇乘之遺患不細故

八

於賑濟獨勞心焉時病已甚治軍旅不少休三月二十一日登焦山望三江嘆曰吾第一泉將吾病而不克展其能奈何然使一病都堂居海中則諸將無敢不下海諸將能下海則賊自奪氣也欲從太倉取道常居海中行至通州而病不起將革猶以爲人學問未成未了十年功夫自恨時天鼓鳴于舟上者三而公氣絕溫陵李贊撰

荆川逸事

荆川幼師葉先生弟子甚衆及以言事罷歸也每歲必具酒饌速諸爲葉先生弟子者

惟會竟曰（荆川先生世無知之此後從前明季葉先生所撰）

公出入一小帆船數甚不敵風雨凡三四年如一日嘗就醫無錫錫友見船微以小樓船易之至稱堪遇豪僕舟舟牽挂其尾蓬僕怒甚以磚石擊公舟公自出遜謝不省因作知命說謂航者吾分也樓船非吾分也據其分航可免侮非其分樓船不免據其分三四年可非其分一日固不可（見葉先生原稿以字刪略）

荆川先生性最澹潔刻苦布袍蔬食夜臥一木版不設重席且清癯多病其封翁憂之

託王龍溪爲之解說。說乃謂天下人以戒定慧救貪瞋癡。荆川當以貪瞋癡救戒定慧。荆川惘然受之。（見昌黎荆川四書文評註）

咸元敬紀效新書曰。巡撫荆川唐公。于西興江樓。自持鎗教余。繼光請曰。每見他人用鎗。圈串大可五尺。兵主獨圈一尺者何也。荆翁曰。人身側形。只有七八寸。鎗圈但拿開他鎗一尺。即不及我身。膊可矣。圈既大。彼鎗開遠。亦與我無益。而我之力盡。此說極得其精。余又問曰。如此一圈。其工何如。荆翁曰。工夫十年矣。一藝之精。其難如此。

謝元謹按公又有月夜登樓。教余大猷鎗法之事。又在京師與人論鎗法。曰。執須其中。出毋過長。庶可四面掩護。乘人而不爲人所乘。因于酒家借鎗起舞。出毋過長。正與教咸元敬圈串一尺之說同。此二則並出說部。一時忘何書目。俟再攷之。

宏雅君子有讀是編而發懷古幽情。抒揅天采。筆撰製詩詞。贊記檣聯者。即請惠寄。敬當彙刊。續錄藏之石室。傳之海內。無任盼禱之至。唐時唐渠鎗。唐遊鎗。唐煒唐駝。唐肯唐允。中唐汝濟。唐翔生。唐棲川。唐鼎元。謹啓。通信處常州青果巷唐大宗祠。

九

勸誤

第三頁第十六行風霆戰搏於洪濤汎濫之中脫一汎字

第四頁第十二行魚雅雅上雅字誤分

附刊陳渡草堂懷古詩并序

十四世孫鼎元敬賦

鼎元字玉祖

草堂在常郡城西南五里。陳渡橋左。先公荆川先生讀書處也。荆川自題詩云。經時不到此。花落滿庭無。開館猶如客。憑軒忽喪吾。蝶飛看栩栩。鳥喚聽烏烏。便欲題邱壑。於今總姓愚。謝應芝記云。堂面南。壁石當門中。高如人立。清溪一曲。樓觀皆抱焉。東北一楹。鄒曰衣書曰嫺雲閣。其樓五楹。曰五言樓。裏文公讀書樓也。又西室五楹。曰春池館。又西繞北。壓溪三楹。西壁有石刻孫文介書曰。荆川先生讀書處。石舊在五言樓東。後移置焉。直北爲齊六楹。又繞而東。爲泡庭。庭西聚樹。一老幹虬曲。面樓夾樹。一大可兩人合抱。紫藤盤繞樹上。垂於溪。相傳皆裏文公手植。（原元）又嘗考之。裏文公曾孫曰君俞。有女適蘭溪。令陶元祐。元祐子澤州刺史。自悅與君俞孫致堯爲外兄弟。而致堯子大司馬。蜀門公之家子婦。又自悅之孫女也。唐與陶蓋世爲姻戚。而蜀門公又官遊於外。故陳渡草堂。倚陶氏主之。人遂稱之曰陶園。（據陶氏子孫云。君俞以前爲之。厥後蜀門子孫。佚在畝。以隔世故。勢不能收回。而陶裔貧）

十

獨於他姓道光。自從族孫。寧堂。賡復之。更名曰復園。李中者爲之。記不數年。復轉入沈姓。此園之沿革也。今樓閣皆廢。惟裏文公手植夾樹。古藤尚存。英樹腹空。可藏人。牆根大徑尺。而梨則亡矣。山石與池。固可修而復。賴雲閣者。裏文公玄孫。字量丁。明鼎革。避元亮之節。與兄字昭隱。處里巷。自號獨雲。並以名其閣者也。徘徊瞻眺。如聞先公贊歎。而人世滄桑。屢易主。能無感慨系之。

蘭陵城。百餘年。舉古本。蕭叔人。率軍鎮。自昔降英。實我憶。先公多感慨。我公雖雖崧嶽神。自天命作一。獨人六藝。精能到。幾被胸。鬱風雲。藏甲兵。諸葛經綸。堪伯仲。陽明學術。同輩。倫國木。成陰。花爛熳。是公少日長遊。衍春樹。爲嬌黃。卷開。秋空雁。關。調。玉滿風亭。對竹石。作涼。雪。澗。賞。梅。村。酒。燈。振衣。浩。浩。天。門。遊。海。內。爭。誇。董。賈。流。自有才華。魁虎榜。恥因時貴。避。簪。頭。（見本報。不詳。已發。物也）十年。翰苑。清如水。報國。空懷。無所試。時陳得失。觸朝廷。敢。冒。凶。危。蹈。虎。尾。履。端。一疏。氣。豪。粗。杜。陵。丹。血。固。皇。儲。直。聲。一。日。傾。燕。市。瘦。馬。千山。歸。敝。廬。三徑。菊。松。尊。酒。對。一庭。風。雪。柴。門。閉。風。鳴。未。許。竟。朝。陽。龍。性。生。來。不

偶世警察昂志意奇埋光劇采伏蓬藝文章海內相傾入車馬江干得見希有時自
放西山鶴無事閒看羣陰鹿敝垢何慚原憲貧筆蹤獨抱顏回樂園內風光秋復春盡
日讀書松竹林昌黎巨筆搖天地六編注洋函古今共鋪薦鴟目堉字未改盟鷗白水
心。攬槍入月天機滅三島仙人去作賊連年閨浙苦刀兵千里江淮波赤血戈頭慘放
嬌聲響棘裏飄殘紅袖背我公目擊每悵遂教投筆赴戎行盡收鐵菱禁鴟鵂赤橫
巨艦擣扶桑蓬萊種毒由徐福海外揚威說定方旂采劍光騰白日鼓聲士氣滴重洋
捷書飛報長年殿黃金飭賜萬斤強赤華寶刀寒月色龍城飛將威強敵長風萬里破
鯨波大雪千營留馬蹟辣手蝦來幾度霜鐵肩辛苦扛封疆旋驚多角彈幽薊轉決西
江活風陽妖氛才見清江北越南又報狼烟促曉角霜天更遠征伏波橫海相迫迨正
當忠武鞠躬年五丈原頭將星落

公與武侯交遊慷慨江流擊楫歌病中一日三揮戈登

高痛灑三江淚垂死宗公呼渡河劉顯大猷繼光繼

趙公洛陽威鎮光時爲前督都督已革職公疏職

之後幾大用一時風雲盛際會汾陽門下盡將才終竟嫖姚滅賊志自公掛冠擢衣襟常

向茲園抱膝吟一權春風入陽羨園陵墓石有誰親（王公卿相及園東漢陳仲子遺像）到今綠
野堂前燕豈識義家舊主人塚土千秋表忠骨（公爲忠烈故墓石）精靈往往著神迹花木
雖荒童子居風雷猶護南陽宅（遺像祀武進沈某上心跡係在園中夜夢見黃帝主政忽見及於屋前滿堂燈火盡燭燭照見一蘇州兒角日庭前遊）赫然禮部聖宸害蛟蛇蛇變律走苦壁老吏臃落神夜
呵到今此碑毀未得（有語沈某爲公易文介石刻爲沈某祀祠墓石夕夢古衣冠者數之曰何物老故兩首贊以爲象簡之某因其後旋見也）斷橋橫測水分流怪石嵒巖臥古邱臺館難尋燭雲間文章
誰紹五言樓池畔尙存明代木古藤千尺垂粉綉樹老腹張皮接枝春來猶發參天綠
摩挲如見手澤存歎息空驚枝上鶴今春得讀公遺稿（所見左編稱七則無編稱三則編并西經據氏家抄有石經十冊來待信也）似覩星斗滄青天偶從長林拾片羽風骨沈雄筋力堅左編序及
卷尾勞劄數條皆公手書者此卷大要相潭城七字坡爲說其通指長幅亦皆公時人所記也客子須臾索稿去
中宵惟有淚流漣丈夫及時當勉勵舊跡何堪今蠶屨荆溪水綠無釣舟龍池山荒作
僧寺（謝旌祖龍池山爲公銅鑄庵生別業後海爲僧寺）遺藥況今嗟又狂思公令我淚沾裳馬嘶少

讀文淵傳敢使扶風勲業亡。

吾今方便人間價於是園則也聞收復有期爲之喜而不寐乃未果而郭鄭會長卒乙丑冬隨受甄企林兩會長祭掃襄文公賜筆重過是園則文公石刻已仆於地而中裂今已修之且聞滬上有邱姓者欲購是園建紗廠則更閱十年跡滅無遺矣於是受企兩公函密收復而力有未逮也夫吾祖襄文公名滿海內神遊清虛豈爭此塵界數弓地然大賢名跡必有鬼物守護之朱袍之過象簡之擊豈必襄文公自爲之鬼物之搢呵也神人之情不相遠卽襄文公在天之靈風月之夕偶過其舊所遊釣處有不稍迴其節干焉憑臨者乎憑臨焉見昔景之宛在泉石之無恙有不莞爾一笑者乎見故物之盡蕩豺狼之聚噪有不慨然一唱者乎況乎園與墓相去不半里是固公神靈常所棲止之地也夫鬼物竭誠盡瘁守護搢呵至三百餘載之久而滅沒於朝夕之間則際此時之爲子孫者有難

以爲情者矣雖然保護地方名跡國有令規
姓之所得而私也則是國也備有地方人士
起而收復修治之如吾常城東之驪舟亭揚
州之平山堂揭前賢之芳蹟但以供後來者
之遊覽瞻眺聞風興起之具則又何必視爲
吾唐一姓之私有也故敢附刊諸書并叙國
之興廢以告吾唐之賢有力及地方秉政
士夫與其官宦於外者爲之所焉

歸元謹識

重刻忠敬堂彙錄序

爲於去就之爭非忠篤於理亂之爭之謂忠嚴於進退之辨非敬嚴於治忽之辨之謂敬忠敬之臣既不肯規規然峻拒權貴人以濟其謀者亦不至翕翕然阿附權貴人以隕其節間嘗持此以衡有明一代人才其得以勝任而愉快者要皆以身際隆盛規時獻功若當夫危疑交困之秋百責之所由萃其過震撼擊撞而能鎮定盤錯參結而能解紓辛甘燥濕而能調劑黷闇汗濁而能茹納曠度宏量孤絕一時卒之調和中外以畢其事而成其志則前有茶陵後有華亭而我胡襄愬公乃真其匹也劉瑾之亂謝遷劉健決然引去倘非李東陽依違蒙垢則瑞禍方流毒搢紳誰其從中推輓而潛移默奪使善類多賴以扶持嚴嵩亂國二十年惡稔於瑾華亭委曲求全假富貴自汙卒能舉大奸而鋤之古稱社稷

忠敬堂彙錄

壹

臣不是過矣然此二人者非有寇亂之迫其前與夫軍旅之厲其責也特與之比肩事主而惟深明於古君子身仕危邦萬無可去之義故斤斤然慮一國之安危而不暇計一身之榮辱宜乎氣節之士多竊非之若襄愬公所處則更有難焉者權臣在內大將無功自古慮之而又當無餉無兵之日不得不爲用間用餌之謀其事涉嫌疑其功宵危險稍經掣肘勢必睽乖當是時趙文華以分誼爪牙兩來浙視師聲勢炫赫公遠鑑於朱執之指斥士大夫令不能堪卒爲所齟齬用是與文華內分畛域而外相周旋俾得從容擊畫於其間以故十年圖功百戰徇國舒九重之宵旰全七省之生靈島夷漸平言路讜集天子特出溫綸以明其非嚴黨而後人吹毛求疵又遁其辭於公之成功悉由附趙文華而得之即當時之爲公訟寃者每以茹茶心苦口不能言以爲公同護吾以爲

忠敬堂彙錄

貳

此事有不必爲公斷斷者夫天下豈有附小人而可以成大功者哉彼張經固當時所稱不附趙文華者然每以部民藐視之受禍既慘楊宜懲其失改絃更張而傾心附之何以文華愈忿甚蓋顛倒功罪而威權反出宜之上則知附小人者不能成大功而成大功者亦斷斷不至附小人且明代士大夫之執以爲附者亦自有說文華雖小人而頗修薦賢之譽當時如漳州胡松武進唐順之暨公皆爲所引擢惟胡唐二公以文華薦而再出其出處似不得謂之純正公擢用八九年悉出中旨不過以軍務之故久與文華相商故受誘尤厚試思倭患之方熾也公初以驍馬按浙職不過監軍紀功而文華已爲督察侍郎公豈能效子輿氏之不與右師言乎惟其操縱得宜指揮若定卒能以直屠侮以海餌且東南底定海波不揚史稱茶陵當國天下陰受其庇華亭尤能用智術而不失其正者公則所處較難而奄有二公識量焉魯乎胡文忠公復某中丞書有曰保身即以保國能如胡某籠罩趙文華亦兵家之長算夫所謂籠罩云者見公之能用趙文華而不爲文華所用也亦明矣所可恨者明代言官置身局外操之已蹙始則議高爵以鼓其捐軀殉國之志終則拘深文以殺其禁暴靖亂之勲冤死狗烹弓藏烏盡直至朝鮮被寇師救無功始俞科臣揚東明之請追錄其後而前此兵科劉伯葵已先爲公訟寃至是朱鳳翔復繼之公之文孫燈又先擊登聞鼓于是賜祭賜葬賜諡悉如例燈之弟有名煜者乃哀集當時朝章之昭雪者若干篇而冠以世宗詔諭及手札於前難以公白著若干篇於其中末附以碑銘傳狀及奠章名曰忠敬堂彙錄冀與籌海圖編相埒而行於是日月重光而公之豐功偉烈乃益彰焉昔武穆之遭讒也陳檜搜其家得御

札數篋束之左藏南庫其子霖請於孝宗得還其孫珂以淮西十五御札辨驗彙次凡出師應援之先後皆可考嘉定間爲顧天辨誣集天定錄後又廣爲金佖粹編忠臣子孫閱世愈昌多能表彰前人此又岳胡兩少保所同正不獨私書一案足以徵其拜官之同而受冤之同已也特此錄經粵寇之亂殘缺不完其稍有存者又歲久漫漶不可讀余幸習見當時原本用是鈎稽羣籍輯而重訂之書甫成適公之族孫胡渭仁上舍來謁余余勸其刊而行之渭仁踴躍從事因命其子宏松等佐離棧之役而并丐序於余余惟公之建中海島見於明代士大夫之表著者固無待乎贅公之蒙難艱貞見於明代士大夫之表著者又無待乎言惟以附文華一獄三百年來紛紜聚訟而莫能折衷予故從其大者以闡揚梗概蓋不爲張經之藐視趙文華而卒能有爲以是見公之忠不爲忠敬堂彙錄

卷

楊宜之誦事趙文華而又能有守以是見公之敬顧世人不察恒震於公之功而不能不疑於公之品也予謂公捍海之功自當百世不祧而公之人品當於茶陵華亭間求之而自有以得其忠敬之所在焉爾時光緒十有三年孟冬月廿日同邑後進胡嗣運謹序於遵義坊之新建書塾

初刻忠敬堂彙錄原序

從來忠良之以功見忌卒以讒死者岳武穆于肅愍及胡襄愍其拜官同究慘同獨襄愍得全首領闕下賴世廟明察雖有投符之疑而終不惑於讒口有詔云胡宗憲原非嵩黨自御史皆朕擢用又云縱朕若殺宗憲後誰與任事煌煌天語直令奸人褫魄第令襄愍不即死聖恩尚未可量竟以宿疾死冤獄傷哉萬厯中大軍救朝鮮罔功朝臣始交章追訟公冤詔謚義愍加廕指揮僉事公論大快公之功詳具紀錄中其大者無如擒王直徐海二事直以奸賈起海上假小信爲夷船主多智能號召島夷出沒巨測海所部惟陳東兵最強與直相唇齒按部題嘗懸伯爵萬金之封賞購此二酋公既以計縛徐海及東等直驚餌於海猜難圖矣乃公用間用餌卒誘致幕下置諸法殲其餘孽諸所俘囚獻馘旬有聞月

忠敬堂彙錄

原序

肆

有奏他如縛袁三於江西靖積寇於八閩平張璉於廣西若游刃有餘地夫以數十年不靖之狂寇守臣不敢問天子不行食微公宣力定策孰貽斯民以樂土哉然六年間自御史進陟三孤臣功至眷亦極一時之隆遇矣而五等之封尚懸聖天子猶恣然於酬報之未稱時一再形於溫諭而忌口不已積毀鑿金遂令烏盡弓藏爲千古遺憾顧公道不泯士大夫往往托之傳記及悲憤之文而朝章亦時有申雪諸所撰集若思綸錄三朝昭忠錄若輿論若孤憤若奏疏若籌海圖編大都誌其戰功在一時海防在奕世與其生承主眷歿而繫思往者有紀來者可鏡也第諸文辭滯雜而無統且多散佚遂令後有作者抱杞宋之憂公孫燈舉孝廉而蚤世不及與纂述之事其弟煜資不逢世既老諸生間憤藏梓之無完本而先烈之弗光也彙輯之而稍及其繁勸爲家乘以俟百世

後信史之蒐采名之曰忠敬堂彙錄集成徵序於余余更何所言
竊以公之功在東南父老談往事者俱足聽聞且在新安與浙地
皆有報功祠此功在人心之顯蹟者也其尸祝於浙方之岳于兩
少保祠實鼎峙而三祠並居湖山之勝四方之遊其地者無不俯
仰今昔而歛歔嘆悼也蓋樂今之樂則思昔之治若低徊不能去
云此千秋香火不借遺帙傳也昔真西山先生官長沙湘人爲立
祠一人題其壁云舉世知公不愛名湘人若欲置丹青不煩更作
生祠記四海蒼生口是銘吾序茲編亦云萬歷 年 月 日
郡人洪文衡序

忠敬堂彙錄

原序

伍

忠敬堂彙錄總目

明續溪胡煜原本

族孫渭仁率子宏松等校刊

總錄

卷一 恩綸錄

卷二 集思錄 全佚今補以平倭錄

卷三 建言錄 今補附以文集

卷四 顯天錄

卷五 昭忠錄

卷六 顯親錄

卷七 宏簡錄

卷八 明裡錄

新編總目

忠敬堂彙錄

總錄

陸

詩歌

遺事 侍刻

龍川胡氏故有恩綸錄三朝昭忠錄五忠堂實錄皆紀襄愍
公之豐功偉業與夫當日構陷昭雪之所以然自其文孫採
集爲忠敬堂彙錄一書而三書遂微歛人洪大理爲之序以
行世其目釐爲八卷卽此總目八錄是也迨經粵匪之亂此
書又多散佚咸豐辛酉冬余曾於乙齋茂才處見得原本今
其書雖不存而敘目猶能記其梗概如此惟集思一門全佚
姑補以平倭耶備八門竊意海內積學之儒客或有藏弄原
本者俟他年搜得之再謀補梓以還其舊而諸小目之佚文
庶幾再見焉然豈敢必哉書旣成或因問於予曰亡其文而
存其目何也予應之曰此愛禮存半意也昔夫子刪詩爲三

百十一篇而亡詩六篇之目不刪書祇存五十八篇而百篇序目至今具在故予之爲此錄也原本所有者仍之原本所無者補之原本之所佚者仍存其目以有待於後云邑人胡嗣運又識

忠敬堂彙錄

總錄

崇

忠敬堂彙錄恩綸部小目

明續侯胡煜原本

族孫渭仁率子宏松等校刊

恩綸錄

昔宋岳氏撰金佗粹編首錄高宗宸翰續編又有絲綸傳信錄武穆無他著作故其孫珂採集之也詳公原有恩綸錄單行本故此編所錄不過擇其大者略登於卷首以恩綸自有專書也今專書已逸而彙錄乃余掇拾之於灰燼之餘排比成帙者較原本又逸其十之七矣余因尋繹傳記之僅有存者如嘉靖三十五年金塘之捷天子璽書獎公略見崑山進士王宇文集三十六年謀王直上以公灼見禍本降璽書褒勞而闕外事一以委公畧見籌海圖編四十四年再被逮公疏辨上原之一日降手劄云胡某爲朕殺賊之人卿等必欲殺之何也云云略見耿忠敬堂彙錄

恩綸錄

制

分目

勅諭
誥命佚
御批
諭祭
諭葬佚
予諡

手制 詳序目中

右錄其可知可據者於此而辨冤疏御批以及兵部議覆疏有予謚御批因既附載於各篇之末者茲不重錄嗣遲又識

忠敬堂彙錄

恩綸錄

庚

上諭一

嘉靖三十五年三月 日勅曰頃因直浙倭寇猖獗特設總督重臣調兵平勦二年以來官已三更矣迄無成功近日零賊不多集兵踰萬卻又失事本之銓曹及督撫諸臣懷欺不忠號令不一寡謀失力之所致也姑以楊宜為民曹邦輔提解來京問今特命爾前去總督南直隸江南江北浙江福建等處軍務兼理海防江洋防守留都各該巡撫及操江都御史總副叅遊三司軍衛有司官悉聽節制爾宜相度賊勢緩急調發本地官兵隨賊向往分布截殺如或兵力不足聽爾於山東兩廣湖廣有兵去處徑自行文調取各該巡撫官并三司守巡道官即時督發如有抗違遲悞者指名叅奏拿問一應錢糧除部議給發外聽於鄰近府州縣隨宜處去接濟供應其在軍門及行軍之際不用命者武職自叅遊都

忠敬堂彙錄

上諭

拾

上諭二

急候事責有所歸爾其慎哉故諭

嘉靖三十五年十一月初四日勅總督侍郎胡宗憲近該兵部覆
題本年八月二十有五日爾等督率漢土官兵在於梁庄分哨進
剿斬獲賊首徐海及從賊首級乙千二百餘顆又前次擒獲賊首
陳東并辛五郎等名顆數多殘孽無遺地方底定朕惟爾等殫力
竭忠克平大慙捷音來聞朕心嘉悅除另陞賞茲先降勅獎勵以
旌爾勞爾其欽承之故勅

上諭三

嘉靖三十六年二月初八日一本辭免新命等事奉聖旨卿盡忠
爲國滅賊有功特茲陞秩以示酬答不允所辭吏部知道

上諭四

嘉靖三十六年三月初五日一本自陳不職乞賜罷斥以公考察
事奉聖旨胡宗憲着盡心督理軍務不允辭吏部知道

忠敬堂彙錄

上諭

二十一

上諭五

嘉靖三十七年十月二十四日兵部等官會覆論溫台舟山賊情
本奉聖旨妖逆賊匪浮之賊富本宗憲用計誘獲人皆知者嫉害
彼功會彼奏上天降玄瑞小人遂謀欺君言臣朕覽諸疏以丞弼
常擬付之公議這會疏也不分是非不明功罪胡宗憲着照舊用
心必平殘孽以副簡眷

諭祭文一道

維萬曆十七年歲次己丑十月乙亥朔越十五日皇帝遣直隸徽
州府知府董石諭祭總督浙直福建等處軍務兼巡撫浙江地方
少保兼太子太保兵部尚書兼都察院右都御史胡宗憲曰惟爾
賦才倜儻抗志澄清薦歷艱難兼資文武會島夷之雲擾致海甸
之波揚爰自乘輿倏爾開府挺身督戰橫戈冒矢石之衝料敵設

奇傳檄收鯨鯢之黨十年徇國百戰成功賴先帝之明恩還孤卿
之舊物茲頒特典用答殊勲斐非之謗雖騰薏苡之疑終白九原
可作服寵如新

予謚文一道

原任總督浙直福建等處軍務兼巡撫浙江地方少保兼太子太
保兵部尚書兼都察院右都御史謚襄愍胡宗憲諱文制曰人
臣殫忠宣力大功以歲久而彌彰昭代節惠易名公論在事後而
愈著况義有關於風廟則恩無斬於褒崇爾原任少保兼太子太
保兵部尚書兼都察院右都御史胡宗憲氣量沉雄才猷揮霍剴
割劇邑激揚內臺屬島夷之揚波自乘輿而援鉞延攬籌策大慙
以次成擒傳檄聲援侵疆悉就底定竭十年徇國之志遺七省生
靈之安雖斐非不免於後言而孤忠已明於先代既三錫以酬賞

忠敬堂彙錄

上諭

十二

仍一字爲華褒茲特加爾謚曰襄愍錫之諡命於戲成績不磨海
邦之興思爲烈有功懋賞臺省之追諭會同未泯英靈尙歆渙渥

忠敬堂彙錄平倭部小目

明續溪胡煜原本

族孫渭仁率子宏松等校刊

平倭錄

原本卷二為集思錄乃載公與李遂唐順之諸人往來手書及譚綸戚繼光等稟牘公一一批判余於乙齋茂才處見之今則此一門又全佚矣因思此錄乃備載當日構陷昭雪之由而公之功利或不盡詳援以籌海圖編大捷考補之以此書世所希觀寒素家尤難致之故不厭其重而補之以還當日八卷本之目錄平倭邑人胡嗣運識

分目新補

師捷王江涇本末

胡松

師捷平望本末

俞獻可

忠敬堂彙錄

平倭錄

十三

師捷龜山本末

徐渭

師捷清風嶺本末

吳欽

師捷仙居本末

謝顧

師捷乍浦本末

諸大圭

紀勦徐海本末

茅坤

師捷後梅本末

張節

師捷金塘本末

王宇

擒獲王直本末

邵芳

師捷舟山本末

俞獻可

師捷淮陽本末

蔣應奎

師捷寧台溫本末

沈明臣

附錄浙江兵本末

胡嗣運

明自嘉靖以後浙江兵以勁名天下皆公遵旨訓練所致陳

碩圖明經撰家傳間一言之嗣運乃尋繹大事記諸書編次

本末一篇以附於大捷考之後於是公之功在當時澤流後

世乃益可見而譚戚不得專美矣然此非余一人之私言也

近錢塘許公乃釗跋練兵實紀亦歸美於公事久論定豈能

強哉嗣運又識

忠敬堂彙錄

平倭錄

十四

師提王江涇本末 嘉靖三十四年四月 潯州胡松栢泉

國家地廣治極文祗武嬉海隅森商乘時盜販因緣忿怒轉爲寇賊民不覩兵爲日既久望風奔潰莫之誰何賊既連得利內附外連聲應氣合徒黨滋蔓動以數千萬計又善用兵能以少爲眾所徵四方材勇懷忤武力之士率殲其手勢若烈火敵敵焉思啟蓋自壬子春更癸丑甲寅恣行轉掠殺燔燒蕞蘖窟新故環迭而兩浙三吳之禍變慘矣乙卯春柘林巢賊積增至萬餘人出掠嘉善諸處夏四月劇賊徐海麻葉等探知嘉杭兵調松江搗巢率眾數千人水陸並進聲言先攻嘉興次及杭時巡撫李公留守杭總督軍門在華亭無兵可恃軍民洶洶甚懼御史梅林胡公方巡浙東台溫諸郡得報連日夜馳詣嘉興會賊從嘉善來前驅迤邐薄城外眾益懼甚公曰兵法攻謀爲上角力爲下矧又無兵乃

忠敬堂彙錄

江涇

十五

密屬吏取酒百餘罍鑽其顯投以毒刺塞如故載兩船選兵卒機警而猛者假冠履持赤牘坐船上稱解官解酒餉軍載向賊所從道見賊即繞去服走賊信不疑馳報諸酋長諸酋長得酒大歡相率高會痛飲多死已又令材市酒家皆入毒藥中約償以直民所有米蕩藥之所而遺之賊往往爭取飲輒又死然賊黨尚眾兵寡且惟怯過保靖宣慰彭蓋臣所領土兵數千人至可使胡公策其恃勇犯忌使人傳語之曰賊善伏且知分合我兵常爲其謀宜分奇正左右翼擊防其衝圍盡臣不聽乘銳直前果遇伏墮賊計挫於城南石塘灣始大悔遂有潰志遠近震駭大失望胡公深憂之曰如是我技窮矣於是親詣軍營宣諭且勞苦之曰勝負兵家常事慮足介凡爾所以偵者以不知地利中其伏我聞賊會多死眾絲毫無耗且久不得食息環可攻若等無畏顧兵多

無衣與器械乃使人悉索諸質肆故衣頒給之加賜錢帛牛酒飲

食召諸金木工晝夜繕造器具懸重賞苗兵感激思奮察可用乃指畫石塘地形曲折曰女宜以兵若干爲前鋒從塘路進若干爲奇兵伏道左水兵船若干環列道右防其逸皆後前鋒數里候賊將至某處前鋒迎敵佯敗走俟其過伏伏盡起三面夾擊賊不勝矣蓋臣如公策賊果債敗北走平望平望故別有苗兵營賊不知會總督張公從松江兼程來視師而承順宣慰彭蓋南復從柳河西出胡公又同督察趙公部署察將盧鏐等厲激之且躬擐甲胄徑馳馬趨出四面合圍軍聲遂大振賊大沮還走王江涇既連疲於奔又餒且病矧無統紀遂大潰不支土兵與我軍乘之斬首倭二千餘級墮溺水死者不可勝校蓋自是嘉興杭人始安枕軍民主客始知賊猶人非異若鬼神雷電虎豹然不可繩繩浸有闕志

忠敬堂彙錄

江涇

十六

賊酋是稍稍顧忌逆氛狂謀漸以虧胸始可誘而圖矣嗟乎奇變決而波才破洛憫襲而淮淝捷嘉山合而博陵奔蓋自昔禍亂之興必有忠義材武韜鈴之臣以指揮壁畫枚監戡定蓋天所以冀安維極緩輯神人鴻德好生常假手乎鉅公偉人實爲之執云其果憂哉武進左子好論次當世事而謂故所收公私牘牘所載王江涇戰功精無紀屬余詮次余爲詮次而歸之庶後經世者有考焉

師提平望本末 嘉靖三十四年五月

俞獻可

嘉靖乙卯夏五月官兵敗賊於吳江之平望先是永保之兵既皆失利賊遂肆意猖獗一西北入太湖犯常州一西南犯杭嘉湖其犯杭州者至塘棲二官慰復失利賊掠北關去欲由蘇州入海道吳江之平望浙道鄉兵會擊之賊腹背受敵大敗走松江至三店我兵邀擊之斬首七百有奇中毒死者千餘人是戰也巡按御史胡公宗憲副使董士弘僉事王誦以浙兵至參政任環知府林懋舉以直隸兵至而三店則推官劉泉功居多皆不藉客兵之援由是而專任鄉兵之議興矣嗚呼客兵之用豈得已哉蓋彼之獷狻不馴非素有禮義之習我之恩威未洽難責以忠愛之心恤之過則驕操之急則變勝敵不足以償其掠民之害厚賞不足以稱其邀求之私前方城宗氏論之詳矣雖然寇攘起猝民不知兵慮客兵之禍而徒驅民以戰如投羊於虎是畏溺而避舟者耳故調客兵者一時之權恃客兵而忘練鄉兵者非經遠之策調客兵而練鄉兵兵可用矣而後酌勢之緩急敵之多寡以處客兵遣之則我無乏用之嫌留之又有以制其反噬之毒我師梅翁之底定東南也外立戰勲內鮮兵變今日遣客兵數千而賊無玩心明日來客兵數千而民無懼色者用此道也彼謂客兵必不可用而又無練募之法者吾不知其所終矣

忠敬堂彙錄

平望

十七

師提後梅本末 嘉靖三十四年十一月

張節

嘉靖乙卯冬十一月倭賊自福建福孟州之連江洪流入浙境越平陽仙居至宣波奉化與錢倉賊合幾七百人深入紹興勢益熾臺提督都御史胡公宗憲親督兵備副使許東望咨美士田田九晉同知曲入繩等兵往戢之遇賊江橋僅隔一河公謂諸將曰賊見我不顧而南其氣未可乘若稍止觀望可圖也吾茲試之乃於馬上自持一幟作指揮狀賊果聚觀公笑曰此易與耳乃令兵渡河九霄邀其前入繩襲其後賊見兩兵迭至大怖而走至後梅圍民家公復大笑曰賊若乘我兵半渡迎擊勝負猶未可量今已投死地復何能為乃悉眾圍之三匝縱火焚之死者強半值天雨公與將士立田中夜二鼓大霧咫尺莫辨賊乘黑衝與史吳成器軍成器故善戰驅兵四面奮擊之擒斬復若干人然脫走者猶眾公計賊必由山西嶺而遁嶺之巔可伏也命設伏以待夜將半賊果至遂大敗之斬首及焚死者積五百二十有奇餘奔太平蒲岐港官兵復追之賊堅壁不出乃夜偕賊壘投以霹靂火器誰若劫營者賊驚起自相攻擊死者又若干人得脫者無幾竟出洋去丙辰春正月也時公新膺簡命未浹旬輒有奇捷如此按施山公心畧攻類亦載此

忠敬堂彙錄

後梅

十八

師捷清風本末 嘉靖三十四年十一月

吳 欽

嘉靖乙卯冬十一月倭舶三艘艦南鹿之西麓提督都御史胡公
預設海艦封守甚固二船不能入揚帆而東其一西走我兵躡
之沉其舟迫入舟內相持八晝夜賊窘甚從山後竊划船逸去風
風驅回登劫大舉至三港守備劉隆千戶劉綱百戶張澄戰歿於
陣賊勢復熾遂越金鄉趨台州以浙北向時公方奏樂清之捷會
台州告急公笑曰寇來有三敗我皆得之不足平也初寇登平陽
守將不循約束故得深入今台守譚綸干城之將且素受方略賊
玩疎其疆一兵法小敵之堅大敵之擒寇方得志三港其氣驕我
兵方捷於樂清其氣勁以勁乘驕如拉朽耳二客美兵精悍甲諸
部萬里從征朝氣正銳但初未諳險阨今授以布伏邀擊之法則
爲全勝之技三遂命分道布截天台以南綸兵當之新昌以北客

忠敬堂彙錄

清風

十九

美兵當之綸兵逼壘而進以典史吳成器統部署爲前哨報効更
章廷廩爲後哨百戶王世仁陳濠督健卒伏於小江道左知事張
東督鄉兵伏於顏坑諸處而又迎賊所向預置藥窰藥餅餌之由
是賊或中伏或中毒擒獲三十餘顆傷死者不計始悔入台州境
十二月抵新昌知應台關有備去至嵎縣三界上館嶺會客美兵
陳而待田九霄以正兵當其前田九章援兵繼進左翼則留守王
倫伏兵當之右翼則經歷畢爵伏兵當之指揮吳江率部兵遠賊
後背夾擊且多張旗幟爲疑兵以撼賊勢賊四面受敵且戰且走
我兵追之入清風嶺烈女祠俘斬一百七十餘是鯨也賊二百餘
徒歷溫台紹三郡始克勦滅其敗於深入者猶恃紹興之倭欲與
合夥追越台州始知舊倭已破於是既畏譚兵不敢南復畏土兵
不敢北卒至於敗如公所料云

是船之縣
擬作役

師捷仙居本末 嘉靖三十五年

謝 頤

嘉靖丙辰春三月朝廷以都御史胡公果建奇勲命以兵部侍郎
總督浙直福建軍務會福建桐山之賊流逼浙境同知黃鉞指揮
梅魁禦之賊潰圖北走公密令副使劉慤預伏兵塔石燕蒲諸山
縣險阨則潛置火器以待仍列舟師於山側之江濱賊至伏起殺
傷甚眾逼出天門壠至平陽書田越小時沿江而南遂入荆溪荆
溪通仙居樂清之孔道也時臨海天台葉已受公計集鄉兵守黃
潭若孔中渡由是賊不得犯蓋紹由烏枕西入仙居乘城築未完
衝突焚劫慘倍他地乃各提督都御史阮公鶚馳救之復行副使
許東望知府譚綸總兵盧鑑兵從東路而進賊聞大兵且至遂走
斷橋彭溪巢於民舍我兵合圍攻之俘斬三百餘級焚溺死者無
算所有六十餘人取道天台之北復爲赤城民兵所殺是時浙東

忠敬堂彙錄

仙居

二十

西破石梁湖之賊各萬餘人俱薄會城魁桀難制江南北新舊屯
據者數亦逾萬公以一身寄諸藩之安危以一心當百萬之兵甲
隨機督勦算無遺策且隸有寶山之捷兩浙有西庵清水窪之捷
而桐山流寇亦旋就殄戮謂公今之子儀非耶